

長篇連載專欄

偉大ê山地人 亞伯蘭

(1986年玉山神學院畢業典禮演講) —— 亞伯蘭
今日早起ê題目就是「偉大ê山地人

亞伯蘭。」亞伯蘭大約兩千gōa年前時代ê人物，但是上帝特別愛伊，因為伊是一個非常有信仰而且真善良ê人。所以上帝就藉伊來拯救全世界ê人，kā伊ê名tùi亞伯蘭改為亞伯拉罕。亞伯蘭原來ê意思是「高大」，但是亞伯拉罕ê意思是「萬民之父」；上帝beh將伊以早hit種高大、高傲ê心情除去，hō伊成做萬民之父。不管是tùi回教、猶太教或者是基督教ê觀點來看，每一個宗教lóng稱亞伯拉罕做in ê信仰之父，伊mā是以色列人ê父。以色列民族ê富有hō全世界ê人尊敬，並且是siōng有知識一個民族。亞伯拉罕是一個非常偉大ê人，真chē人lóng m̄知伊是一個山地人，因為伊離開家已故鄉哈蘭到所khia起ê山地，tī hit-ê所在khia起百gōa年久。咱雖然自稱家已是山地人，m-koh我相信無一個人tī山地tò過一百多pah但是亞伯拉罕tò-tī山地超過一百多，所以伊比大家koh-khah山地人。

到底伊偉大ê所在tī toh？第一，伊相信上帝ê話。亞伯拉罕本來tò-tī迦勒底ê吾珥，chit-ê地方tī古代是貿易ê中心點。Tù i 醫學、藝術、商業來講lóng比其他所在發達，所以tò-tī chit-ê地區ê人，lóng充滿一種歡樂kap高度物質享受ê生活。M-koh非常可惜ê，chit-ê地區mā就是偶像崇拜ê中心地。上帝為tiōh beh賜hō亞伯拉罕重大ê使命，所以就託付一個艱難ê工作，伊kā亞伯拉罕講：「你tìò h 離開你ê本地」。對一個人來講，離開本地是一件非常痛苦ê tai-chi，咱tò慣勢ê所在就是siōng好ê所在。È-tàng kap家已親戚朋友tò作伙是siōng自然、siōng快樂ê tai-chi。離開家已ê本地本鄉，離開朋友往伊所m-bat ê所在去，是一件非常艱苦ê tai-chi，這是犧牲，mā是冒險。但是亞伯拉罕突破困難，伊前往上帝所指定ê所在，這是伊偉大ê信心。M-koh無論伊到什麼地方去，甚至入迦南地ê山區，伊絕對bē bē-ki建立祭壇來敬拜上帝，而且mā獻上伊十分之一hō上帝。

第二，咱來看亞伯拉罕ê愛心。咱知影伊chhōa家已ê姪仔羅得kap伊全行，羅得是失去老父ê孤兒，所以亞伯拉罕疼羅得kah-ná家已ê gin-á。In兩個lóng是牧人，為tiōh beh爭取飼羊ê草地，in ê僕人bat起爭論，亞伯拉罕無因為伊是一位長者，所以認為有權利先選擇好ê土地。伊顛倒hō家已ê姪仔羅得先去選擇好ê土地，卻甘願家已選擇khah無好ê山區，亞伯拉罕無因為án-ne怨恨家已ê姪仔。


咱知影有一pái敵人來攻擊平地羅得所khia起ê所在所多瑪城，並且俘擄所有ê人。亞伯拉罕無忘記恨以早所發生ê tai-chi，卻chhōa人屬來解救羅得。咱mā知影亞伯拉罕是一位真善待人客ê人，所以咱看伊bat接待過大使。當亞伯拉罕知影上帝beh毀滅所多瑪kap俄摩拉城ê時chūn，伊bat為chit-ê城祈禱六擺。

第三，咱知影亞伯拉罕疼愛上帝所賜hō伊ê山地。伊入來迦南ê時chūn，tāi先入去ê所在就是示劍，koh來就是伯特利，最後chiah到希伯崙。伊到死lóng tò-tī希伯崙，這個地區是山地，m-nā是伊家已，連伊家已ê kiá'兒、孫ámā lóng tò-tī chit-ê所在。

為啥物講山地真好m̄leh？有真chē人看bē起山地，但是真巧ê詩人bat講過chit種話，「上帝創造山，魔鬼卻創造都市。」我相信chit句話是對ê。Tāi先tī山地內面，咱看tiōh真chē美好ê事，tī平地卻充滿真chē è罪惡。咱知影聖經內底所看tiōh頭一個都市是「巴別」，in lóng是高傲ê人民，現在tò-tī都市ê人lóng是chit款人。

咱山地ê交通無啥好，所以大家lóng認為山地比bē起平地流行ê文明。In lóng認為山地人無學問，但是我認為人無論到啥物所在，

憶往事 看神能



◎ 胡文池

只要有上帝ê恩惠，伊就是好人，巴別ê人有技術、有知識，所以in ê-tàng建築真高ê塔。我相信巴別塔無論建gōa高，mā比bē起現在紐約ê摩天樓高。但是紐約ê摩天樓kap上帝所創造ê喜瑪拉雅山脈比較，根本就比bē起。大自然是上帝所創造偉大ê傑作，到山地就ê-tàng看著。咱若到都市，所看著ê椅子mā好、桌仔mā好，或者是紅毛土厝lóng是人所造mê，看起來mā真sùi。但是上帝所創造ê山、野地ê花，lóng比人所造ê物件khah好。人造花雖然非常好、非常貴，但是比bē起大自然ê花。Hiah敬畏上帝ê人，會tùi上帝得著知識(箴言一：7)。現在以色列人比世界其他ê人有koh-khah高ê知識，tù i 亞伯拉罕崇拜耶和華上帝以來，這是上帝所賜hō in--ê。

Koh來咱看都市是真chē人聚集ê所在，所以都市ê生存競爭非常厲害，為生活、為生存，ê發生真chē無好ê tai-chi。當咱看所多瑪、俄摩拉ê記事時，咱就知影chiah-ê罪惡。我相信上帝將亞伯拉罕tùi平地sóa去山地ê目的，就是beh hō伊離開平地ê罪惡，mài hō平地ê罪惡所污染。Tī加拉太三：7有句話：「相信人就是亞伯拉罕ê真子孫」。所以，咱逐人lóng ê-tàng號做亞伯拉罕ê真子孫。咱tiōh向chit位偉大ê信仰前輩學習，學習伊非常熱心敬拜上帝ê信仰。只有有信仰ê人才ê-tàng蒙上帝ê祝福。(待續)

具體ê想法(下)

另外，hit款較新派、會吸引青少年人、koh chiok 龜怪，ê引起媒體注意ê活動，親像：相連sòa「快閃」(flash mob)，嘛是會當考慮--ê。Beh按怎「快閃」，親像帶青紅燈ê路口跳舞，唱台語rap、già牌仔等等(愛談諧、愛親切、愛趣味)，若一擺鬧一擺發生，koh phoo上youtube自然，就會引起風潮……

另外，集合一陣人，做伙做一個yotube頻道，若有技術支援，hō影片ê品質mài siu"bái，內容kap台語有牽連，重點是：愛奇、愛怪、愛痞、愛「無盤頭」，愛做kah hō少年人ê用facebook分享，用email傳hō朋友看，若有法度，影片一支一支出--來，自然嘛會變做新聞。總--講一句，若無夠奇怪、無夠離經，少年人就bē感覺cool，少年人是無teh管啥物「大道理」--ê，in就是愛心適、愛時行按呢，咱愛ù chit-ê方向去想去，才會有台語ê少年世代出--來，按呢做，嘛較贏辦演講比賽、影片比賽、寫作比賽……(辦hiah-ê siu"過正常ê比賽，媒體根本都毋報，一般人嘛罕得知影！)

Chiah-ê代誌，有值得咱用「經營一個刊物」ê資源拾氣力來投入，只要咱創意khah贏--人，品質無輸--人(進前新聞報刊物youtube影片，攏thang做參考)，絕對有才調殺出一條生路！！較要緊--ê，是愛做予久長！！(若有影做出一個勢面，凡勢就有尻川門柄--ê beh贊助)

一來二去，咱需要「痞人」恰「鬼才」，來恰少年人pōa"-nóa！Chia-ê代誌攏免開大條錢，咱需要--ê是人，就親像我講--ê，一陣「痞人」kap「鬼才」，有才調得著少年人kap媒體ê注目，koh有才調一直kā chit-ê心適性延續--落去，按呢，就有機會tī內底偷偷仔藏咱beh飼--in ê資訊。

愛諾龜怪，我koh舉一個例：咱若有法度揣十對翁仔某(恰女朋友)，輪流佇大城市ê車路口，趁紅燈ê時，倚tī斬木仔線(『斑馬線』)相攏相chim，另外有人già大字牌仔，寫「台語你足sui，我「愛」講台語！」，錄影，傳起lih youtube，一ê城市做了，換一ê城市，影片小可後製，創予談諧、痞痞，mài正式、mài講道理，按呢，絕對會真chhèng！或者是，做一支短片，用足談諧ê方式，教人按怎kap台語sio-chim，親像兩ê人tak喙鼓按呢。『台台親嘴指南』……

我teh想，若是我，我無愛hit款chiok臨時、chiok清彩ê方式，beh，咱就成立一ê團體，而且爭取一ê公司/基金會ê贊助，一月日或者是兩月日有一ê活動/做一支影片，成本(包括工讀、企劃、後製)，絕對bē超過編印一期台語文雜誌，按呢，做ê人chiah做ê興、做ê久長。咱需要網路、創意專業ê人，thang kā咱講愛按怎做、設計，chiah較有機會大時行；咱需要一陣少年人，提供意見、做in發揮，咱事後，愛有制度來檢討，是按怎chit-ê活動無夠出名，是按怎chit支影片點閱率無夠pān-phoe ê數額，是按怎媒體攏無反應……按呢，有目標、有制度來運作，若做半冬koh做快起--來，咱就大檢討，規ê收擔。

第二款會當做ê工課：有人氣ê blog 或者是 content farm。網路頂，攏有一寡blog，流量驚人濟濟，一工有幾若千人去看。我teh想：奇--ah！！咱台語箍仔，包括少年--ê，敢無人有才調創出chit款ê blog？共筆(共同創作)嘛會使--ah！Chit號blog甚至用華語寫嘛無要緊，重要--ê是，愛好看，毋管是足敢講sia"人來看，或者是足有內容會吸引少年學生，抑是講足濟實用資訊、好看ê圖等等(嘛會使結合youtube ê影片工課)，咱愛kā人氣衝hōchiok懸，了後，才chiok有技巧tek(親像蛇hiah活骨)，kā咱beh傳達ê資訊藏--入去。我嘛希望che是有資源支持--ê，有人付稿費、版面設計費、維持費，相信一月日嘛用較無編印一期台語印物ê錢，毋過，若有影做有--起--來，就是上好ê武器！！等流量若到一定ê程度，才來做廣告(google adsense等等)，或者是置入性行銷攏ê用--得，時到，嘛會使資源獨立，做足久長。

執行面來講，咱ê人若歹勢做一寡奇奇怪怪ê活動或者是表演，無要緊，用工讀ê方式招人來做--ah！！橫直咱beh愛--ê是好ê成果/產品，而且，koh較按怎開，嘛比辦一個比賽較俗，而且宣傳ê效果koh-khah大。親像按呢，每一個想法，攏做企劃案，做專業評估、討論、修改，編大概ê預算、人力，去執行，了後檢討，做後一個案ê參考！Beh做，一定愛先看人按怎做，是按怎ê hiah出名，了後，確定細節，sian毋thang hō影片內容變做teh kā人khou洗、或者是teh說教！！無--者，就準出名，嘛會變負面效果！！咱一定愛chiok奸巧、chiok有計智！！(全文完)

田岡良



陳文成教授紀念基金會

本基金會地址：
Dr. Pin-Shuo Liu CWCMF P. O.
Box 136, Kingston, N.J. 08528

各位同鄉：

陳文成教授紀念基金會自一九八一年成立以來，在熱愛台灣，關心陳文成事件的同鄉支持下，一直不餘遺力的為台灣的民主，人權在打拼。二十外年來，本基金會每年在美國和台灣頒發五至七名的獎學金，一方面肯定得獎學生們的努力和成就，一方面也鼓舞了更多的台灣學子來關心台灣。二十外年來，本基金會曾發行《台灣文化》雜誌，舉辦週年紀念會，贊助台灣人作家寫作，邀請台灣作家，文化工作者訪美，舉辦紀念音樂會，舉辦台灣藝術花展，協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communique, <http://taiwandc.org>)，《台灣學生》(台灣學生社 Taiwanese Collegian, <http://tc.formosa.org>)和 ITASA (<http://itasa.org>)。

近年起我們除了固定的獎學金外，更在陳文成生前執教的Carnegie Mellon University設立一個紀念陳文成的獎學金。自2001年起島內的台美文化交流基金會也在我們美國的同鄉鼓勵下獲得正名為陳文成教授紀念基金會。